

**ACTA DA SESION EXTRAORDINARIA URXENTE DO ILTMO. CONCELLO
PLENO CORRESPONDENTE O DIA 5 DE DECEMBRO DO 2002.-**

Na Casa Consistorial do Iltmo. Concello de Ribadavia, o día cinco de decembro do dous mil dous; ás dúas do mediodía xúntanse os señores que de seguido se sinalan para procederen á celebración da sesión extraordinaria urxente do Concello Pleno oportunamente convocada: Alcalde-Presidente, Don José Pérez Iglesias.- Concelleiros: Don Francisco Xabier Carreira Sebio, Don Julio Dabarca Cuiñas, Don Antonio Domínguez Lorenzo, Dona María José Escudero Estévez, Don Miguel Fidalgo Areda, Don Marcos Blanco Jorge, Don Xosé Prieto Pérez, Dona Maria Martínez Abal, Dona Manuela Iglesias Collarte, Don Francisco Alonso Fernández, Don Secundino Rodríguez Gómez e Don Celso Sotelo Barroso.-

Está presente o Secretario-Interventor accidental, Don Vicente Soto Rodríguez.

Aberta a sesión polo Sr. Alcalde pásase de seguido ó estudio do único asunto que conforma a anunciada Orde do Día, e que resulta se-lo seguinte:

1.- RATIFICACION DA URXENCIA DA SESION.-

Intervén Don Xosé Pérez Iglesias, Alcalde-Presidente do Concello, para sinalar que a existencia da conformidade de todos os grupos, indicando que a urxencia ven motivada por cuestión de prazos.

De seguido, o Sr. Alcalde, somete a votación a ratificación da urxencia da sesión, obténdose o seguinte resultado: fica aprobada por unanimidade a ratificación da urxencia da sesión.

**2.- ADXUDICACION DA ASISTENCIA TECNICA PARA A REDACCION DO
PLANO XERAL DE ORDENACION MUNICIPAL E DA CARTOGRAFIA
DIXITAL DO CONCELLO DE RIBADAVIA.-**

De seguido o Sr. Secretario de orde do Sr. Alcalde procede a dar lectura a moción da alcaldía que se acha no expediente e que de seguido transcríbese: "MOCION DA ALCALDIA.- Visto o estado procedimental no que se atopa o expediente de contratación para adxudicar a asistencia técnica para a redacción do Plano Xeral de Ordenación Municipal e da Cartografía Dixital do Concello de Ribadavia, mediante procedemento aberto e en trámite de urxencia e a traves de concurso.

Resultando que durante o prazo hábil aberto a tal fin, presentáronse as seguintes proposicións:

"CONSULTORA GALEGA S.L."

"CATOURE S.C.L."

"TISGER S.C.L."

Resultando que pola Mesa de Contratación propónse a adxudicación do contrato a empresa "CONSULTORA GALEGA S.L.", polo importe de 80.885,72 euros, como autora da proposición mas ventaxosa das presentadas.

Vistas as bases do concurso, propónse ó Iltmo. Concello Pleno, acade o seguinte:

1.- Declarar válido o acto de licitación

2.- Adxudicar definitivamente o concurso para a realización da Asistencia Técnica para a redacción do Plano Xeral de Ordenación Municipal e da Cartografía Dixital do Concello de Ribadavia a empresa CONSULTORA GALEGA S.L., con domicilio na rúa San Martiño nº 3, baixo, Pontevedra, por importe de 80.885,72 euros, como autora da proposición mais ventaxosa para a Corporación.

3.- Devolver as garantías provisionais a todos os licitadores excepto o adxudicatario, que debera ser requerido para a constitución da garantía definitiva, no prazo de 15 días seguintes a recepción da notificación do acordo de adxudicación.

Non obstante o Plenario, ó que en definitiva corresponde decidir, resolvera o que considere máis conveniente para os intereses municipais. Ribadavia, 4 de decembro de 2002".-

Intervén Don Francisco Xabier Carreira Sebio, voceiro do grupo municipal do B.N.G., para sinalar que espera que haxa sorte na elección do equipo, indicando que o seu grupo vai a poñer os medios necesarios para que o plano que se aprobe sexa bo.

Intervén Don Miguel Fidalgo Areda, voceiro do grupo municipal do P.S.O.E., para recoñecer o espírito de colaboración de todos os grupos municipais neste proceso, indicando que nota en falta este consenso en outros procesos municipais. Finaliza a súa intervención solicitando axilidade no proceso, así como a participación de todos os grupos, tratando que os acordos adoptense pola xunta de voceiros.

Intervén o Sr. Alcalde, para sinalar a importancia deste tema para Ribadavia esperando que sexa o impuxe definitivo de Ribadavia.

De seguido, o Sr. Alcalde, somete a votación a aprobación ou non da moción presentada, obténdose o seguinte resultado: fica aprobada por unanimidade.

E sendo as dúas e vinte do mediodía o Sr. Alcalde ergueu a sesión, estendéndose a presente, do cal, como Secretario, certifico.